

四

林榕江先生集卷第六

五言律詩五十五首

大禮

頌歷遇聖改元有感

嘉靖頒新歷 天王御紫宸  
飛龍千載運 瑞雪萬方春  
鐘鼓趨清曉 班行肅縉紳  
鼎湖遺恨遠 嗚咽一霑巾

聞詔賜暖耳

天語傳黃幄 千官拜赤墀  
感深挾纊日 恩浹賜貂時  
不畏風威冷 翻嫌酒力遲  
俸金猶可辦 慚負素餐詩

感述

不肖男世璧編梓



有感用杜韻五首

將帥都崇爵軍儲惜去年似關千里霧猶蔽九重天貴戚新開府  
驕胡近到邊玉關何日閉遺恨自張騫

其二

幽薊皆黃土都城半白狼群公休憚疏赤子每相望但見頒金幣  
誰能補袞裳頓令三宰後寂寞憶南陽

其三

洛下收群盜當知賦役均放蠲纒昨歲征迫又今春白屋貧如舊  
黃書墨尚新安危須大老獻納有忠臣

其四

丹桂合初秀青蒲發早凋人才闕氣運封事翊 皇朝收拾遺賢

盡從容聽諫遙都俞千古盛何日聽蕭韶

其五

胡滅今猶盛三邊事可疑籍丁皆老弱馬政漸陵遲總制紆籌策  
中官領 詔辭更須醫國手滿為起瘡痍

送別

送李百竹知曲江

曲江江水清照見萬古心湖海故人去風塵遊子吟春到選方政  
秋生百竹陰遙知明月夜花下五絃琴

送方棠陵審錄山東

省郎辭北闕 王事下東州思稱寬仁詔還將汗漫遊人傾黃菊  
酒天遠白雲秋定有觀風疏歸來拜 冕旒



題贈

竹溪為劉指揮題

野色明寒日晴光散玉溪刻詩留汗簡引水種荷衣鳥下茶烟起  
花深釣艇歸太平多樂事老將息兵機

白泉書院為汪太守題三首

泉為天下白人更比泉清綠野沾餘潤青天自在行臨溪魚盡樂  
觀瀑雨初晴柳外微波動時來一濯纓

其二

雲閣千峯見泉多白玉成水從天上落舟在鏡中行書幔橫江卷  
詩壇削石平闕山遊五馬回首惜蓬瀛

其三

楚水孤雲細幽泉百道開映天微有影浴日本無埃迸地瓊瑤合  
懸空風雨來潔身同一派高起讀書臺

題卧壺卷贈徐子美

八壺蒼壁迥一枕白雲深眠穩木蘭月夢回楓樹林風烟歸色相  
天地即帷衾萬里趨閭闔應須別故岑

松泉為仲都閩題

將軍滄海上開府碧山阿松色懸秋水泉聲繞鐵柯虬盤多雨露  
劍洗挽天河登用明堂日風清萬里波

寄簡

和皇甫子浚二首

三秋真憶汝雙鯉忽來音書法鍾王逼詩章沈謝深高人在山谷



病子解朝簪早晚扁舟去相期湖水陰

其二

東閣梅花早南天雪片稀雕胡堪作飯薛荔可為衣海澗蛟龍蟄  
風高鸛鶴飛何時能握手離思苦依依

訓會

和鄭南溟遊烏石

山意隨人好登臨問夙期汀鷗如狎客風葉似供詩  
江清水落時願言畢幽賞未可動離思

維揚會舊寅屠文伯

憶昔南宮日逢時共隱憂風波從宦海鴻雁下滄洲出處誰能定  
乾坤可自由賜環當不遠遲爾鳳凰樓

和宗伯昭見贈

酒熟金陵市狂來欲典衣故人江上致到知己眼中稀山近浮烟  
暝雲寒帶雪霏馬卿天下士何日薦彤闈

和鄭三峯秋官見寄三首

三峯遙憶汝落落久離群得句凌黃鶴隨衙入白雲臺高江月小  
山靜夕陽分正是思君處長空一鴈聞

其二

青烟迷野望碧柳散春愁短笛風前起虛舟外浮詩成聊遣興  
酒罷轉多憂鼇石千秋意何時泛海遊

其三

幾年違畫省日日讀南華松落黃金藥梅開白玉花海門春不斷

蘿徑月還賒漠漠烟林外飛樓競暮鴉

奉會林素翁大司寇五首

忽得階珠重相望隴樹深青山仍舊業白日是初心竹色濃侵坐  
泉聲細繞琴碧蘿休蔓路黃紙定相尋

其二

臺閣望彌切宮牆道已深想應憂國淚不減愛山心獨寫黃花句  
誰聆素月琴木蘭烟水棹肯許及春尋

其三

入門猿鶴舊觀世鬢毛新杖屨宜親月巾袍不受塵清鳳風高栗  
里紫氣望楓宸謝傅東山臥寧忘四海民

其四

八座歸何早千山興不窮鳳飛寧在網蛇影尚疑弓禮數  
舊悲歌國士風執鞭吾豈敢日望水雲東

其五

憶接形埒步蹉跎四五年宮雲承旭日苑樹拂晴烟暫息擎天  
手歸耕種石田斯文千古事述作定須編

會陳明水年兄謫戍閩中過河上庄

野服過雲居東曹舊大夫寧為天外鴈不作水中鳧草木川原改  
漁樵歲月迂戈矛寒日淨萬里快鵬圖

和湖西

早辭南省珮旋結野人廬真欲吞雲夢非甘臥孟諸松風高枕入  
水月一亭虛近得平嵩問湖西有報書



和旗峰

忽領停雲句真紆舊雨思尚懷初夏會又是暮秋期時事堪杯酒  
幽居且奕碁知君清廟器莫戀故山芝

懷思

不見

不見崆峒久高賢世共哀遭誣江海去絕出古今才白日翻琴譜  
青山送酒盃烟蘿深僻地只許鶴飛來

懷平嵩用東禪雨中韻

明月照高樹浮雲何意陰頓令厭軒冕不是好山林得句雨中寺  
懷人谷口音願分青石榻留我待秋尋

懷方巖

近得西江鯉相思愁復多長篇留錦字良月正松蘿薄俗深防面  
高懷且放歌飄萍從宦海白髮更如何

行役

阻馬灘次思泉叔韻

舊異黃牛峽今知白馬灘晴雷轟地上飛浪蹴雲間客思時看水  
愁顏只對山萬方行路險不覺泪潜潜

玉山分司勁節亭作

落日停車處欣然遇此君高枝巢白鳳密葉接蒼雲只作虛心慣  
真能勁節分勞勞塵俗客聊爾揖清氛

十三夜揚州對月

今夜揚州月凭闌獨自看銀河初掩映桂闕極高寒清影虛無地



光輪未安親庭何處所愁思轉艱難

十四夜月

今夜揚州月清光已勝前遙升滄海外先到客亭邊雲度同飄忽  
風來一灑然細瞻金粟影猶少半分圓

十五夜無月

今夜揚州月浮雲滿太清人心知盛滿天意自分明不見金波影  
虛聞玉兔聲姮娥如避客幽獨太無情

閒適

和友人遊平臺

白日依岩樹青霞近水樓竹烟晴不濕山色遠如浮鼓吹喧臺上  
旌旄到海頭慚無陶謝手述作共清遊

秋懷次思泉叔韻二首

露下烟沙淨潮平夕浪回杖藜還看雨對竹且啣盃白雁人千里  
黃花秋滿臺共尋形外樂詩舫肯頻來

其二

叢菊高秋思西風客子情鹿眠三徑石鶴振九臯聲山晚霜鐘動  
江寒錦樹明滄洲堪笑傲不是欲逃名

秋思三首

清霜激園木萬葉盡秋聲風前蕙草晚月下莎鷄鳴對酒蒼雲落  
彈琴白髮生闔山看不極北雁故南征

其二

殘霞明近水獨鳥去遙天白鷺寒沙外丹楓夕照邊曠懷頻引睇

靜境且高眠試問荀文若何如靖節賢

其三

溪月寒仍照汀花晝自閒湖邊雲散盡海上鶴飛還壁掛雙龍劍  
門高五虎山夜深瞻北極紫氣滿函關

畏人

畏人成小隱獨卧聽鷄啼海闊魚龍宿山高星月依未妨親藥裹  
常自抱雲棲騏驎休辭病秋風萬里蹄

夜

種竹瓊河滿開軒素月輝時連六鼇釣坐見孤鴻飛霞影天河直  
蛩吟砌草微商歌夜難寐白露下松扉

夏日山庄

解纜依青野誅茅臥白雲即知山水債無忝鷺鷥群病驥長思秣  
孤絃不易聞所嗟成老醜何以事明君

山林

喜遂山林願休疑木石居 聖恩真廣大吾道未迂踈江水鷗群  
靜烟霞海色虛放舟尋酒伴同釣碧溪魚

登覽

夏日遊西園

炎方初試暑春服已裁羅輕策時相向名園客暫過路分陶令柳  
池引右軍鷺為憶幽人趣長空發浩歌

遊慈恩寺二首

平臨高閣上徙倚眺斜暉野樹蒼烟合春田白鳥飛幽懷吟不盡

佛法轉相依薄暮同騎馬沙陰十里歸

其二

海印知名寺茲晨得勝遊烟光春水動鳥影夕陽收御史青驄馬  
山人紫綺裘都将百年興瀟灑一登樓

登馮虛閣

馮虛高閣上一半夕陽開五殿雲霞入鍾山紫翠來秋聲落岩樹  
暑氣盡江臺杯酒登臨興絃歌雜沓催

時序

除夕次朱青岡太守韻

冉冉歲云盡輝輝春不遲寸心邱壑靜萬事水雲馳爆竹聊茲夕  
屠蘇又一時閉門棲息穩只有鶴琴知

悲悼

讀鄭詩哭少谷子

人今無少谷天意竟難文白壁沉滄海青山空暮雲湖邊楊子宅  
江上仲舒墳讀罷新詩刻黯然倍憶君

林榕江先生集卷第六



林榕江先生集卷第七

五言律詩五十首

大禮

禱雨省中齋居二首

北闕申 皇命南宮戒直廬篆烟凝素几  
午夜對丹書草木悲原野雲霓望太虛  
桑林千古意宵旰切宸居

其二

王政惟民食臣躬荷 帝慈齋心惕終夕  
膏雨定如期白晝風霾起西山雲霧遲  
高羊何不見只自舞肥遺

送別

不肖男世璧編梓

送太宰建寧揚公赴闕

鎖鑰綏南服儀刑統百寮三年趨殿陛千里動旌旄  
帝座紅雲繞台衡北斗高定知前席罷留輔中興朝

送林天芳僉憲遷任之楚

野曠蟬聲碎江清樹色開出城探古寺下馬別深杯  
祠部仙郎去湖湘憲使來風雷撼山岳雨露遍蒿萊

送桂節推近菴赴闕

三年持玉節萬里覲彤樓問政春棠樹明刑璧月秋  
荷風浮別酒江雨送行舟童叟饒歌頌相將擁道周

題贈

次韻贈朱青岡太守郊行

聞得農人語鶯花未足憐夕陽牛背笛東春雨郭東田  
政簡官如水時豐俗自便村村鳴社鼓歡喜說今年

蘭詩壽人

玉砌光風轉秋池湛露懸映庭含紫色入室照華筵  
紛佩開香徑同心獻壽篇彤霞兼翠羽芳潔自年年

贈莊石山次韻

泉南才子國雄傑幾如君持贈明珠句依稀白雪聞  
天花粲八石霞袂拂三雲薇省稱仙吏清時策異勲

平黎倡和次韻贈蔡半洲司馬二首

虎旅玉門道龍韜交海涯野清風掃葉笛奏月團沙  
露布馳關寒星傍使車鄉雲今燦爛舜日共光華天

其二

鐵騎風雷肅緋袍霧雨侵登壇戈日淨橫海陣雲深相業長城地  
雄圖卷甲心瓊崖三奏捷瀘水七成禽

寄簡

讀張太微集簡犀浦方伯

高人西浦使貽我太微詩萬里憐同病何時共酒卮江城木葉下  
海日雁聲遲坐想杜陵曲雲霞滿洞垂

不見簡平嵩

不見平嵩子荒村獨嘯歌華軒應出郭高論想懸河竹霧經花濕  
山雲隔水多隣家新釀熟同醉意如何

訓會

會洞陽顧年兄

愛爾洞陽子高風我不如時來青玉案况領紫泥書鳴鶴下寒木  
浮雲過太虛只今瓊海上雨露雪霜餘

會皇甫華陽山人二首

故人入我夢沉鯉動經年羨爾停雲句知吾枕石眠烟迷吳苑樹  
月散虎邱筵騰達春風去翺翔尺五天

其二

為憶華陽客秋風幾曲琴鷗邊山水調霞外雁鴻心謂我冥棲久  
相期悟道深君家今萬石伯叔盡華簪

會張夏山寄應石門

憶與石門別長安逼歲除那知滄海上重得白雲書雁足天何遠



梅花月有餘悠悠同病客勿漫嘆居諸

會霞居山人

我愛霞居子尋春過水雲幽花開滿樹逸鷺自高群把釣滄浪石  
留題白練裙松風吹酒醒江上已斜曛

會武林陵陳高吾亞卿見寄

林邱司馬去巾屨及春幽樹密交泉響湖深帶月流栽松來鶴臥  
得句向僧酬早晚徵書下東山不可留

入春苦雨穀日稍晴忽湖西張子有詩來簡遂次韻會之

二首

積雨掩荆扉初晴靄翠微林鳩驅婦去江雁背人飛細草薰平麓  
殘霞帶落暉無因共登眺携杖賞心違

其二

穀辰微雨歇春事漸芳鮮上粟占新歲看雲勝去年林開烟色重  
江近水聲喧誰識王摩詰愁時與病兼

和龍會山人

故人丹嶠外貽我白雲書想見烟霞色聲迴松竹居飛騰千古意  
蕭颯晚秋餘極目寒波上清光炯自如

謝丁茂山人過草堂

閉戶經時久蒼苔滿徑深高人忽枉駕濁酒共開襟鶴臥江沙淨  
雲移野樹陰嗟余山水癖喜子話同心

方筆山侍御賞菊留題次韻

上客乘驄馬山人玩菊叢且拚一日醉誰是百年翁露葉翻翻簾

外霜花落盡中留題清句在霞彩射茆蓬  
和林雲山龔雲岡過春風堂設詩

竹月流寒沼松飈響遠林看山移席近對酒坐雲深詩法千秋感  
朋情四海心瑤琴試一鼓誰識子期音

將赴闕次肖泉叔贈行韻

天闕頌新詔山人拂舊冠敢言逢薦出真是報恩難楓葉秋霜  
醉溪聲夜雨寒只愁林壑相不入鳳池翰

行役

過白沙

崎岸青迴竹郵亭白擁沙江流逢石怒樹影帶溪斜百丈牽烟浪  
孤城起暮笳白雲親舍近隱約萬山遮

宿延平

昔聞有神劍埋彩此溪潯今日停艫望山高溪水深張公室浩歎  
雷令豈能尋紫氣噓牛斗千年鬱不沉

人日渡江

進艇春江好微風浪自閒開簾依白鷺改席過金山北闕天王  
命南宮仙吏班昔賢多祿隱吾道未應艱

閒適

已亥中秋三更月出次李五石侍御韻三首有叙

叙曰已亥中秋無月三鼓皎月如鏡纖雲不起顧詩興索

然遂已就寢明旦大巡五石有詩因次韻會之

風露淒淒暗星河滄滄悠空青遲玉鏡負景闕瓊樓笛響江城斷



燈光竹屋浮清輝  
終萬里偏傍使君輪

其二

山中多種菊  
海上漫乘槎  
不見石臺月  
虛傳金粟花  
鶴園堆亂葉  
螢草閃平沙  
莫歎關河迥  
乾坤到處家

其三

北斗開元霧  
銀蟾上碧空  
曲闌花泣露  
深樹鶻驚風  
天意明生悔  
人心塞自通  
百年今夜月  
長酒<sup>照</sup>觥中

月詠十四首

璧水明鵲鵲  
金波麗鳳凰  
一輪雲綉彩  
千里樹青蒼  
滿逐山河沒  
光流湖海長  
西園垂白露  
有酒正盈觴

其二

亭亭升海外  
隱隱傍山家  
玉鏡懸珠箔  
白鸞乘紫霞  
沙明如<sup>顧</sup>離兔  
桂長欲開花  
永夜高樓上  
徘徊一歎嗟

其三

仙足初生桂  
堯階自落蓂  
揮盃應有象  
酌斗願無醒  
伴藥蟾難老  
歡歌鳳不停  
霓裳羽衣曲  
繁切不堪聽

其四

新月佳人影  
婆娑度此宵  
橫眉分黛淺  
掛鏡隔雲嬌  
碎玉澄隨岸  
排山暗駕潮  
玳梁九華殿  
應費沈郎謠

其五

不緣修月手  
誰入廣寒宮  
玉兔千年藥  
金波萬里風  
瑞雲河漢側  
香霧桂花中  
一去人間別  
瑤臺何日逢



其六

烟靄揮難盡  
冰輪只自明  
一吟湖海興  
轉見古今情  
茶灶幽堪煮  
沙田白可耕  
孤琴伴雙鶴  
林壑有餘清

其七

日月催吾老  
關山憶昔賢  
青楓江外水  
白兔草中泉  
濯霧輝仍苦  
明河賦已傳  
長安天萬里  
北望夜無眠

其八

既已輝千里  
胡為印一池  
輪應行碣石  
蟾正照峨眉  
草風蛩自語  
松露鶴先知  
明夜還如此  
休教雨似絲

其九

瓊島遲生月  
梧園取次看  
潛蚪千水動  
宿鳥一枝安  
桂闕渺焉望

瑤臺高且寒  
團團孤石影  
轉映百花闌

其十

出沼芙蓉水  
緣堤絲柳傍  
露瀼瑤席滿  
月淨玉琴張  
不寐天何遠  
無言夜更長  
素娥敲藥杵  
星斗迥蒼蒼

其十一

月色嬋娟正  
雲光散漫飛  
鳧雛眠竹石  
鶴子啄苔衣  
蘿逕輝清影  
花簾靄素輝  
流風颯飄雪  
不夢洛濱妃

其十二

三更山吐月  
照我鬢星星  
成酒辭涓滴  
搜詩入杳冥  
春深常棣館  
花重壽萱亭  
一派雲中樂  
仙韶得細聽

其十三

夜靜催銅箭，簾虛掛玉鉤。  
春深吾獨賞，野僻世何求。  
圓景雖遲出，高臺覺更幽。  
群星恐相妬，宛宛度瓊樓。

其十四

銀兔何方出，瓊樓思不禁。  
朗然天漢上，誰使客星侵。  
丹壑書堪讀，滄洲鏡未沉。  
香風飄鳳吹，悵望五雲深。

登覽

和朱青岡太守出南郭

歲月奔忙甚，山花取次妍。  
湖平魚躍浪，溪靜竹浮烟。  
露冕行青野，鳴琴對碧泉。  
微求貧到骨，應為一潛然。

鼓山次龔雲岡太史同方筆山侍御作二首

携壺凌絕巘，觀海共佳辰。  
澗花折行酒，山鳥鳴向人。  
禪榻松雲畔

漁舟野水濱，登高助詩興。  
得句益清新

其二

樓臺何突兀，江日動寒茫。  
揮筆時凌嶽，驅車一省方。  
苔搖層石翠，芝裊瑞雲黃。  
靈羽書難寄，回瞻仙路長。

登鼓山次張東沙韻二首

海色連郊甸，秋聲落澗阿。  
孤峰上雲日，萬井俯星羅。  
草密蒼龍洞，江迴白雪波。  
幽人倚雙樹，擊石發清歌。

其二

石鼓名山好，峯高日吐雲。  
目窮三島遠，歌落九天聞。  
黃菊杯初把，紅塵俗自紛。  
巖樓同草木，何羨鷺鷗群。

五言排律四首



送別

送廖越坡守海州十七韻

禁樹晚生烟，離人悵別筵。  
一麾東海守，三絕越坡仙。  
揮手輕千里，相逢又隔年。  
雲深蘿薜地，江靜夕陽天。  
宸極興皇王，政邛岩起俊。  
賢彙征聊復，爾昌合豈徒。  
然舟楫來深省，瘡痍解倒懸。  
日高丹闕曉，鴉散玉墀鞭。  
趨杖隨雍遜，歸曹幸接聯。  
好懷開寤寐，嘉晤得周旋。  
激慰空餘恨，疎庸益自憐。  
蕭蕭行李去，汨汨仕途遷。  
五馬即君貴，專城刺史權。  
盡心勞撫字，微力效塵涓。  
臥治汲長孺，能名黃穎川。  
佇看雙鳳詔，飛下漢廷前。

題贈

薰風亭為揚瑞虹司馬賦

亭子依丹嶂，薰風滿碧林。  
偶然真境合，相對百花深。  
棟濕茶烟集，牕虛竹霧侵。  
殘霞宜晚照，孤月正遙岑。  
贊翊猶多寄，端居却自臨。  
扁舟湖海意，白髮廟堂心。  
輝赫常殊眾，靈源妙至今。  
神姿千里駿，逸翮九臯禽。  
皓羽揮團扇，朱絃絙素琴。  
能同虞舜調，不識子期音。  
汨汨群生急，泠泠太古尋。  
袞衣緝明主，玉燭慰黎黔。  
康濟須公久，文章作世欽。  
高明浮北斗，宦業列官箴。  
司馬才猷盛，清卿德望任。  
廿年歸省闈，四海倚甘霖。  
石上南州榻，懷中楚國琛。  
坐忘同浩渺，展眺入蕭森。  
繼道能登岸，通家雅盍簪。  
媿非受簡客，聊附越人吟。

壽東塘鄧令尹母八十

紫鳳來南海，丹邱近北堂。  
花盃行玉露，錦瑟舞霓裳。  
禮重藩郎宴



名傳孟母芳三山瞻寶婺百里盡甘棠  
苦節冰霜久承歡日月長  
貞松秋色迥蔥竹午雲涼  
鶴髮膺純嘏鴻恩下寵光  
青霞時結佩翠羽儼成行  
蓬嶠群仙集瑤池樂事常  
野農隨父老願上闕宮章

行役

渡揚子江十六韻

揚子江頭水勞勞又買舟  
波雲橫岸樹碧草露沙洲  
日射明波闊風懸正席遊  
東南當巨勝吳楚隔中流  
到海岷川水環京古潤州  
蛟龍時出没鳧鷖對沉浮  
孤嶂金山寺層城鐵甕樓  
早潮平過石踈雨暗生秋  
征伐飛龍旆巡行在鳳邱  
雉經吁邑吏虎視駭諸侯  
賈誼那能哭張衡不解愁  
錦帆溪月滿玉殿野花幽  
忠鯁人遷謫奸雄世效尤  
鷓鴣違舊旅蘭芷憶靈脩  
泉石丹心苦涓塵白髮

謀含悽烟靄外愧殺水邊鷗

林榕江先生集卷第七

林榕江先生集卷第八

七言律詩四十二首

大禮

元日 朝回

紫城鐘鼓肅朝儀  
暝色猶瞻赤羽旗  
鷄唱尚聞高閣語  
履端初聽御塔詞  
簫韶彷彿來天近  
環珮從容出殿遲  
燈火滿街歸馬去  
客窓還寫白雲詩

駕旋志喜和林平崖

戰伐龍旌江上旋  
風雲喜色滿山川  
九重宮闕丹霄麗  
萬里烟塵白日懸  
遂有鏡歌輕汗馬  
擬將恩惠到顛連  
撓捨夜掃千年變

不肖男世璧編梓

禾黍春深四野田

送別

送張都憲還敬亭

草堂長對敬亭山千古高人可共攀  
落日微風烟鳥去一江寒雨  
海潮還麻姑壇下花爭放  
太白磯頭蘇自斑解組中丞行樂地時  
懸飛夢紫宸班

送黃卿戶部引疾南還

夢魂千里綵衣歸耐可扁舟別  
帝畿江上秋風黃鶴去海邊春  
日白雲飛幽亭細草常看雨落木空山自采薇  
我亦明年辦行色  
武夷重掃釣魚磯

送張希文還閩兼簡乃弟明卿

鳳凰歸去鳳臺遊五色琅玕十二洲  
白日烟開雲影沒青山鳥下水聲流  
踈踈涼雨新荷夕采采西風老桂秋  
不道季方寥廓甚春來詩夢共江樓

送仰泉叔還閩

鷄鳴山閣眺王畿惜別張筵坐翠微  
城外峯巒秋日淨江邊鴻雁白雲飛  
音書夢寐三年遠燈火天涯幾夕歸  
共待竹林攀桂客來遊重過謝公磯

送白鴻臚徵夫還朝

皇華海上傳天語丹荔陰中駐使車  
執法先朝聞太保康敏司孫清才今日見鴻臚  
蠻烟瘴雨三秋近朔雪交風萬里餘  
抱病人離合感江亭搔首重躊躇



送鄭東溟太守

九月風高鴻雁群  
亂山寒水落秋雲  
赤霄五馬行車轂  
白日雙龍動劍紋  
木葉沙頭離思杳  
蘋花江上客愁分  
野人洗耳滄洲曲  
靜聽清時策異勳

送林旗峰之白下

十年不見旗峰面  
官衙今喜得叅軍  
青尊共對花前雨  
白髮愁看海上雲  
臺遠鳳凰應自愛  
秋來鴻雁好相聞  
煩君問訊平嵩子  
潦倒余安麋鹿群

留別

乙酉春二月廿四日  
余以南京儀制郎中  
乞告還山同寅諸公  
餞清涼寺留別

諸公袞袞上清涼  
惜別相看更舉觴  
多病甘違鸞鳳侶  
野心先赴水雲鄉  
竹分山色圍禪榻  
鳥雜春聲到客堂  
明日扁舟過江去  
秣陵烟樹正蒼蒼

題贈

南隱為葉小厓題

南郭草堂何所求  
陰陰萬木烟霞浮  
白鳥高飛江色遠  
青天不動雲影流  
筆床茶灶隨蘭舫  
蕙帶荷衣對海鷗  
鳳毛還擬冲霄去  
小隱無妨卧一邱

贈徐少湖太史

五堂仙客下瀛洲  
共倚閩南百尺樓  
太史不題鸚鵡賦  
山人時與鹿麋遊  
劍凌北斗青溪合  
雁入黃雲紫塞愁  
酒罷更登鰲頂望  
滄

江落日野烟浮

和贈端峯邵叅伯

湖色秋聲碧靄深  
海濱桃李已成陰  
紫薇宿雨雲千樹  
白鶴高風

月一林藻句池邊  
宜對菊驪歌江上  
共鳴琴公車伊洛  
經新地莫

惜雙魚寄好音

贈馬師山還莆中

有客來登石鼓山  
采藥歸應鍊九還  
寂寞道心雲與淨  
峻嶒僊骨

鶴同攀山中薜荔  
清風遠海上烟霞  
白日閒咫尺瓊河  
棲息地抱

琴先叩菊松闕

寄簡

和平嵩蕪簡半洲

靈源新約雨初晴  
共泛洪江彩鷁輕  
白髮相知天下少  
青山無數

日邊明經年木榻  
松雲滿一夜柴門  
春水生欲訪半洲  
江上去薜

蘿深處踏花行

和見素大司寇寄舒梓溪狀元

江上浮雲眼自看  
悠悠行路信今難  
我從南海聞鄒浩  
誰向中

朝起謝安鳳閣文  
章真獨步鶴林風  
露足餘壑餐一峯  
亭子原無

恙坐對三山白日寒

訓會

和會客部孫性甫年兄贈別

春明雨過滿蒼苔  
送客殷勤更舉杯  
踈嬾我宜居白下  
清光君稱

近蓬萊看雲寺裡  
人初散並馬江頭  
首重迴日暮聊應  
歌伐伐木



滿天風露更徘徊

會鄭少白楚中見贈

湖月峯雲不用招相違數載羽書寥丹楓白雁三秋近黃鶴翠屏  
千里遙自醉壺中真液酒猶嫌樹上有聲瓢江籬采采應難寄霄

漢知君事業迢

行役

芋江發舟次王石沙大巡贈行韻

江水灘風愁客心青霞紅樹落離襟廿年雲臥逢時出萬里天

恩與海深竹葉烟汀留晚醉梅花玉笛盡秋吟絲衣夜夜蘭舟夢

常望飛鴻送好音

宿茶洋

燈火高崖夜未央扁舟飄泊又茶洋沈寥天外烟霜肅歎乃歌中  
山水長敢謂謝安因薦起自緣徐孺欠深藏平生萬卷匡時畧終  
愧無能獻廟廊

十二月廿八日至常州群守張行吾留居王氏水西間止

堂明日立春

何人半隱聚星堂間止應慚客子忙信宿水西真泛宅携家江上  
類吾鄉紅梅當檻猶含凍翠竹窺簷自帶香五馬忽來郊外路春  
回青野日初長

詠懷

三月朔夜直懷同寅徐子伯和

南宮不見徐夫子清夜行吟北斗斜人靜碁聲沉鶴夢愁窺酒醖



閣春花艷危日月時多異眺望風塵感獨賒叢桂誰能招隱去小  
山重整舊烟霞

歲晚言懷次朱青岡太守

乾坤遠業悲身病風雨空山又歲殘紅樹乍驚霜信早滄洲坐對  
海天寬竹從野老看雲徑藥乞鄰僧種石闌朔雁數聲江上至高  
樓日日望長安

閒適

過袁佩蘭合芳亭

合芳亭子秋雲深角巾藜杖來遠尋階下一鶴羽毛整門前五柳  
枝柯陰扁舟湖海捐朱紱短笛滄浪愜素心明月清風他自好高  
山流水為誰吟

河上

河上舟航亦不惡一枝棲息十年餘清秋海色飛鴻雁落日山深  
叫鷓鴣西閣琴尊淹錦里北窓枕簟到華胥野人自分生涯足黃  
帽青鞵看打魚

秋日  
和江午坡

秋風白髮不禁梳野况蕭然木石居傳得煮松霞外訣新成相鶴  
枕中書江楓散雨孤亭靜海雁衝雲萬里舒病容只緣詩思渴瑤  
篇欲和愧相如

春風堂賞芍藥

紅藥階前手自攀春深午湖海一為歡濃雲偏助丹霞葉豪客初  
行白玉盤韓老風流山閣賞謝郎高詠鳳池看文淵舊植知何似

西苑今傳百寶閣

遊讌

飲高文溪靈山草堂二首

文溪夙抱烟霞癖別業新開山水竒洞口僊人騎白鹿峰前童子  
采青芝晴雲傍石斜依戶春水穿花細入池萬卷悠然堪習靜紅  
塵車馬任奔馳

其二

芝山草堂梧竹深春風酌客開青林窈窕徑中聽黃鳥逍遙石上  
鳴素琴霧雨時時侵獨坐雲霞片片助高吟歌罷滄浪迴白首鷓  
鴒鷓鴣滿江渚

東禪同黃致齋馬師山讌集分韻得山字

出門蒼霧滿晴山倚杖遙空獨鶴還湖海同袍欣聚會雲霄萬里  
迥難攀松風細寫瑤壇靜澗水斜穿玉洞閒把酒譚元忘日夕冷  
泠鐘磬掩蘿關

夏日讌集鄭湖峰草堂

偶從僊客話忘機坐俯鷓鴣舊釣磯細柳烟輕江燕舞孤城山遶  
海雲飛湖光似鏡堪留月草色如茵欲染衣白鶴翩翩三島上清  
風羨爾早來歸

午日芝山雅集次湖西文溪韻

方外尋幽白玉簪松風荷雨坐來深無數芝生池上下一雙鶴舞  
庭中心綵舟楫並江迴浪鼉鼓聲沉月在林薄暮忽聞羗管奏梅  
花零落滿衣襟



秋日飲湖西正氣樓次雲岡韻

張燈開宴湖水頭山光蒼翠滿西樓香風荷芰臨池好野色松篁  
帶雨幽肅肅三花雲倚樹迢迢一雁江橫秋慚余醉甚虛良會載  
酒重尋竟日留

登覽

秋祀登瑞跡絕頂

突兀層峯古樹齊穿雲遙見海門西丹楓露下青邱近白鶴風高  
紅日低牧子前村漫吹笛山人何處來杖藜松楸掃罷偏增感烟  
火空林一鳥啼

遊鼓山次雲岡韻

野迥溪山開石鼓塔高佛日見珠林霏微洞草青隨屐縹緲松烟

翠滿襟蘭舫咨磯鷗共我天風海水古猶今醉來更倚昆盧閣玉  
澗飛泉下碧岑

秋集平遠臺次江午坡韻

黃菊碧梧分素秋東山猿鶴思悠悠白日俄驚木葉下滄洲忽起  
烟波愁亂石清泉圍野舫落霞孤鷺映江樓槿園回首荷亭會又  
見梅花池上頭

登洪江妙峰

洪塘江上妙高峯古剎棲雲紫翠重巖石驅車時拂燕松蘿把酒  
忽聞鐘天邊有客曾騎鳳海畔何人是卧龍十七年來聯句在山  
樓如夢歎萍蹤

和包蒙泉侍御遊九仙觀

紺殿高標滄海近  
玉旌遙下白雲開  
空山霜日寒楓靜  
萬里烟沙朔雁來  
錦瑟清風傳逸響  
金莖涼露瀉餘杯  
鳴陽早見高岡鳳  
倚馬誰當作賦材

懷古

維揚懷古

獨宿維揚感慨多  
樓船千艘下長河  
隋家舊事多巡幸  
陳主新聲奈若何  
鳥下綠蕪春寂寞  
月明江水夜悲歌  
長堤回首村烟起  
一笛清風生白波

平山懷古次韻

聚景湖山作意遊  
誰知闢海有平邱  
百年社稷三春夢  
萬里風濤一葉舟  
日落日鼓鞳寒不起  
中原草木恠多讐  
至今遺恨江心水  
石

激潮聲夜夜流

時序

除夜感懷

日暮長安多北風  
客懷偏感此宵中  
不愁閒寂無盃酒  
且喜音書有雁鴻  
守歲始知遊子館  
習儀重到羽人宮  
夢窺梅蘂垂垂白  
坐對燈花故故紅

和包蒙泉觀競渡

青山地轉孤臺峻  
白浪天高一鳥騫  
江上鳳簫催盞筯  
日邊龍楫下旌旛  
木蘭戶艾猶湘水  
白鷺黃鸝自輞川  
控海樓前奇賞罷  
共留雄藻記今年



林榕江先生集卷第八

林榕江先生集卷第九

七言律詩四十一首

大禮

二月廿九日

昭聖太后壽辰午門賜百官食麵

鳴鴉新柳曙光分閭闔門開劍珮聞慶洽宮闈天作壽 恩頒殿  
陛酒初醺瑤池今結蟠桃實粉署重來鷺羽群遙望袞衣明旭日  
載歌湛露立春雲

三月策進士供事

內廷作

彤廷鵠立俊髦多禮樂 明時漢策科瑞霧輕浮垣竹影祥雲遙  
映液池波蒼龍闕下金書榜白玉堂前鳳入羅日食大官無寸補

不肖男世璧編梓

南宮慙愧詠昔莪

送別

送貞文弟省侍金陵

余父時任南都兵侍

別筵譚咲看吳鉤袖裡寒光射斗牛  
繼志一生應力學安親千里  
豈邀遊鶴鶴沙晚行相喚鴻雁天  
清影並投拜罷高堂煩報語看  
雲江上正登樓

送王兩洲方伯進表之京

環珮含香太乙壇紫薇堂上暫樓鸞  
琅函萬里穿雲去金鑑千秋  
向日看倚棹先從烏石別趨庭  
應盡綵衣寬歡多君柱石登  
廟病子江湖把釣竿

送宋澣山方伯擢鄖陽中丞

樓船遙下洞庭水節鉞平臨峴首山  
帝命中丞來撫治人歌方  
伯去難攀蓮開池閣香風遠鶴臥汀沙  
細草斑郊外別筵喧鼓吹  
旂旌閃閃綵雲間

送張浮峯

白龍洲前江水深新結茅堂傍石林  
落日相看鷺鶴去孤帆穩趁  
木蘭唼青天削玉浮峯遠瑤草開雲  
柱杖尋見爾元方應大笑山  
人今已遂投簪

送田西麓憲長赴闕

別酒荷亭注滿甌看花猶憶曲江遊  
紫薇暫出三山道青瑣曾修  
五鳳樓雀舫又分烏石雨鷺車先到  
錦城秋五陵年少君騰達  
廊廟從容未白頭



送楊蘭石吏部之白下

劍光亭子碧山隈送客題詩更舉杯  
漁父弄舟滄海曲仙郎搖珮  
鳳凰臺秣陵紫殿晴雲繞  
婺水春帆細雨來大雅文章稱瑞世  
千霄松柏是真材

送天宇姪之保昌省親就上春宮

吾家丹穴鳳毛文知汝才名迥不群  
津閣愁看春雨別江帆醉向  
晚潮分趨庭綵袖三花樹獻  
闕琅玕五色雲榕野山人今老大  
涓埃無地報明君

送朱雙松行恕還閩

九仙烏石碧雲飛越王劍池秋月輝  
有時酌酒對金粟正好携琴  
上翠微錦帆覽勝吳山過壁水觀光  
帝里歸江海釣徒如問我

愧將簪紱改荷衣

題贈

仲松泉都閩移疾西郊作

誰向紅塵少息肩急流勇退即神仙  
柳營虎帳休金甲碧水丹山  
放釣船萬里閒雲飛野鶴小亭明月對冰絃  
聖朝老将難終棄  
疋馬還驅紫塞烟

贈雲岡太史

春風亭子萬梅開共對梅花記別杯  
綵筆詩留白鶴圖五堂人遠  
黃金臺鳳池退食台銜望虎觀  
繡書良史材却愧絲蘿喬木下  
好憑鴻雁越江來

贈陳少溪次五十山韻

春草纖纖舊論文荷花時節又逢君山中薜荔秋垂月溪上鳧鷖  
日傍雲染翰王維稱二絕灌園陳仲自起羣蓬萊閣下遷居近曲  
徑深松客打門

贈建安尹陳石陽

牙檣錦纜武夷來鶴洞虹橋共舉杯棠樹清風栽建浦桃花流水  
失天台設詩自擘金鷄海作賦誰登銅雀臺玉珮會趨三殿曉  
仙鳧應向五雲迴

飲丹桂堂贈夏桂洲相公

堂開綠野竹陰涼門對靈峰雲霧蒼四海先憂勞補袞百年後樂  
竹盈觴山巖奇石分龍虎桂葉中洲隱鳳凰錦字瑤篇真並美蘭  
階玉樹定生光

寄簡

寄西嶼楊公

西嶼丈人建水涯詩筒碁局度年華溪上看山綠玉杖籬邊把酒  
黃金花身袍往日論經濟鶻冠于今避俗譁九曲漁磯新卜築登  
龍肯許玩青霞

訓會

和會祝篁溪大叅見寄

秋風海嶠下元鶴日暮江東多白雲蘭省芝堂曾共我驚車驄馬  
幾如君十年獨坐理詩草萬里能忘獻野芹椽筆昔留河上賦文  
光宛似錦霞分

謝陳介泉方伯見過



薇垣仙客乘車過石徑春風偶共攀急雨翻從滄海至奇花多占  
水亭閒杖藜看鶴暮雲紫對竹題詩秋蘚斑讀罷梁園西雪句甘  
棠他日在閩山

行役

乙巳七月廿四日起復之京芋江發舟作

江雲秋映萬山開盡鷓潮生碧浪來親壽雅宜丹棘圃君思難  
報黃金臺夕陽野寺還題句楓葉溪樓更舉杯三十年來楊執戟  
為誰華髮鏡中催

玉山公館和我泉韻

錦帆江上喜初晴懷玉山前一問程青竹倚空還信宿白雲回首  
更關情忽逢佳客烟霞侶傳得新篇金石聲欲寫秋容還獨坐滿

塔寒葉亂蛩鳴

詠懷

河上期松澗慕泉不至

一樹薇花紅倚牆連娟白鷺衝烟蒼坐來把釣獨臨水睡起攤書  
忽滿牀久雨將軍期不至抱琴客子空相望却無夜雪山陰興夢  
落江雲萬里長

省中秋懷和少峯辛丑秋作

凍雲拖雨送殘秋吏散公庭獨坐幽胡雁城砧並秋響狼烟羌笛  
遠邊愁松陰白鶴風還起石畔黃花晚故桐寮友喜看鄉語便仙  
曹端為美人留

初至京和肖泉叔韻乙巳冬作

金門待漏雲邊啟畫舫衝寒江上來浪跡又騎沙苑馬澆愁且盡  
竹林松青山久抱傳經志白髮慚非作賦才聞海燕關天萬里歸  
心常為夢魂催

閑適

山莊課農春興

一室青山學養慵喜拋簪紱得歸農十年湖海悲萍跡此日烟霞  
愧病容水面鳧鷖春拍拍樓前梧竹翠重重瑤琴撫罷無人聽香  
篆燒殘月在松

和王石沙武夷韻二首

望海旌幢行近日憑空衣袂澹生雲精舍千年紫陽叟幔亭何處  
武夷君岩花洞草開無數汀鷺沙鷗自一群乘槎江上漁樵客擬

傍蒼屏采碧芬

其二

穿雲小艇上迴溪竹霧松風路欲迷峯頂紫烟騎白鶴洞門黃木  
叫金鷄何人燒藥仍留竈有客尋詩獨杖藜驄馬遙臨山改色烟  
嵐一洗露丹梯

遊讌

鼇峯雅集同會白潭王兩洲張夏山姜侑溪張圭山謝果

菴胡承庵諸年兄作

皆翠亭深山作圍萬松雲日淨暉暉新荷出水葉猶短啼鳥隔林  
聲漸稀野堂雨逐烟霏至花塢春隨詩句歸泛舟促席真嘉會爛  
醉尊前何是非



飲仲閻帥宅賞牡丹

國花共賞將軍第  
含笑佳人玉笛傍  
翠羽微風疑舞燕  
丹霞斜日倚沉香  
團雲不散搖山牖  
瑞靄初凝滿客裳  
春盡江城半晴雨  
遊絲飛絮為誰忙

和江午坡督學春日燈集

山鼇海月送春晴  
彷彿雲霄憶舊京  
琥珀濃分鸚鵡盞  
芙蓉開遍鳳凰城  
風迴玉笛清歌發  
樓倚冰壺徹夜明  
實喜驚車花外駐  
更拈新筆咏昇平

兩夜西園雅集

雨夜西園倒玉杯  
好懷湏向此時開  
烏山峭壁千尋起  
綠竹清風幾道來  
曲岸亭臺烟掩映  
小橋水木路縈迴  
燈前屢舞休辭醉  
雙

鬢那禁白髮催

和李五石包蒙泉二侍御讌集山堂

金華旋傾桑落酒  
玉池新種夜明苔  
尚書辭祿山中住  
御史分司天上來  
斧鉞省方輝北斗  
巖廊曳履憶中台  
綠衣閣宴趨承地  
青筍江魚懷抱開

秋日内弟鄭小湖宅觀荷讌集見子其子

紅荷盈沼簇盈盈  
碧水初浮玉露清  
想像霓裳雲欲墮  
翩翻翠蓋月初明  
傳杯真况三秋景  
賭墅風流一局情  
素石清香丹桂秀  
欣看雛鳳羽毛成

登覽

登建州黃華山閣都閻方益齋周湖臯請遊

高閣危闌徙倚初溪山縱日晚晴餘黃華開盡三秋雨白雁遙傳  
萬里書蘿壁泉聲宜對酒松雲野色獨憑虛將軍好客兼文武花  
外清歌更駐輿

遊杭州雲居寺次孫豐山年兄韻

憑虛樓閣諸天近入眼雲山兩度遊我愛竹風鳴翠壁誰拈花雨  
散丹邱空林鐘磬烟中發落日龜鼉江上浮此地若逢名勝集不  
揮盃筯已無愁

蘇州登虎邱

海湧峯高紫霧開倚岩重上讀書臺月亭石冷蒼苔滿劍水風腥  
白虎來禪觀塔鳴山雨過賞心泉靜夜燈迴醉尋千頃雲龕路三  
十年前九日杯辛未之秋嘗  
登高千頃雲

武夷宿洞天別館

千峯削出玉芙蓉鐵柱生雲滄海東漁艇花邊穿洞石霞裾松下  
引天風丹崖翠壁虛無裏白鳥青烟掩映中涼月滿山人不寐却  
疑身在藥珠宮

武夷泛舟九曲二首

茅屋曾居憶此中白雲滿地紫苔封月明水洞花千樹鶴舞遙臺  
山萬重一去紅塵迷客夢偶來丹竈覓仙蹤蹤佳人搖艇溪邊至  
載酒同登玉女峰

其二

雲龕天柱幾千年元鶴青蘿十里泉欲采金鷲岩下草忽逢白鹿  
洞中仙酒杯正對香爐月茶竈輕颺印石烟玉笈偶聞龍馬訣瑤



琴一鼓松風絃

懷古

淮陰侯祠次韻

解衣未報君王寵  
卷甲先酬漂母金  
豈但齊人能相背  
一遊雲夢已猜心  
秋風高鳥良弓盡  
白日愁雲苦戰深  
何事步庭中夜語  
至今遺恨廟淮陰

時序

除夕舟中

客途寥落逢除夕  
回首高堂憶彩衣  
疎柳弄烟春蕨蕨  
凍雲含雨晚  
晚霏霏溪山到處堪  
留興日月驅人太劇飛  
椒酒難尋江上醉  
燭花偏傍夜深輝

元日寓毘陵

紫極紅雲望九重  
履端遙下大明宮  
三江舟楫初逢歲  
萬國冠裳共拜嵩  
詩句桃符懷錦里  
石闌梅蕊正春風  
山堂新宴歌鐘動  
應念遊人雪上鴻

七言排律二首

題贈

陳虛窓乃尊蒙菴僉憲先生壽詩

瑤空千里鶴飛來  
一望閩山壽域開  
鳥外綵霞橫列嶂  
序中紫氣接三台  
珠歌錦瑟魚龍笛  
玳席猩膏雜豹胎  
義水遶門清徹底  
文峯當戶碧崔嵬  
傳家贖有麟經筆  
擢第曾先南省魁  
鐵面聲華珍比玉  
勇冠威望重如雷  
嬾於塵壤驅車馬  
早乞林泉種菊梅  
谷口

看花紅雨亂沙邊踏月白鷗陪他邦猶說甘棠政鄰叟常邀竹葉  
醅泛艇閒登江寺閣抱琴時上夕陽臺風吹老幹陶公柳露濕濃  
柯王氏槐袍笏滿床占獨盛詩書奕世美深培瞻雲太僕情無限  
時向弧南獻百杯

壽夏桂洲國老

鳳凰閣對薇花靜龍虎峰環洲水長仙樂遠飄忠禮院帝書昨下  
太師堂身依柱石心偏赤年比松筠鬢未蒼斗北群星皆拱向  
南五夜極輝芒中興相業山河盛吾道經傳日月光桂露久棲千  
歲鶴荷風新入九霄觴周公屢報廷賢士衛武惟勤誦抑章扈從  
霓旌清蹕內宣呼彩殿細氈傍席前火棗堆盤大海上蟠桃結實  
香蕙秩鱗衣趨劍珮平生金薤盡琳琅種成瓊島三珠樹養就丹

田五色倉獻賦簪裾華國手獨慚草野造鷄行

林榕江先生集卷第九



林榕江先生集卷第十

不肖男世璧編梓

五言絕句三十七首

題詠

題畫二首

采菊南山下花稀不盈把醉眼看羲和西飛疾於馬

其二

遠樹孤雲白空江一雁秋夢回山葉下落日滿漁舟

金嶂樵歌

野人雲滿肩少歇青山下歌殘伐木篇不見同心者

銀溪漁唱

溪水流不息漁舟何處來高歌寒葉下鷗鳥晚烟開  
題環谿桃花便面

不問元都種武陵春自輝彩霞來鳳吹紅雨濕魚磯  
題野舟獨石卷

只對一片石相含萬古情坐看衣袂上時有白雲生  
雲頂山樓

山靜遍瑤草樓高對紫霞幽人騎鶴到明月下梅花  
題鷺鷥圖

秋聲滿蘆竹一鷺羽毛疎獨立寒塘水應知不為魚

詠小山叔林園八景八首

三徑開城郭雙河抱屋廬豈謂園林小中藏萬卷書右小林園

其二

中園架北堂起舞明月高婆婆娑塔下花色映紅錦袍右宜萱堂

其三

小橋跨碧沼詩句往來成天上青雲落霏霏足底生右青雲橋

其四

麒麟出西野元經繫朱紱誰識三千年又向方池浴右浴麟沼

其五

月下池波白風來柳樹青胸中洞無物何處光霽亭右光霽亭

其六

獅峯嘯江雲甘泉鳴其下書舍正面之山光入我戶右如見處

其七



浴罷溫泉水徒倚庭中樹能知點也心方識咏歸趣右詠歸壇

其八

君子克己功猶如三軍勇吾翁有訓言暗室日炯炯右自搆軒詠懷

偶成五首

美人在北海夢遠音書長寒風一雁來淚下沾衣裳

其二

竹光團野色月影帶江流何處笛聲起蕭蕭鴻雁秋

其三

灼灼桃李花顏色豈不好風雨滿空山零落無人掃

其四

鳥影下寒沼琴聲破紫烟海風吹不斷石上清冷泉

其五

雨花紅欲滴風葉翠能飜坐想鹿門子幽懷不可言

閒適

白鶴巖和致齋

白鶴弄溪水松風吹羽翰半夜窺山月長鳴玉露寒  
夏出瓊河經旬絕飲都無人事作河上醒歌十首

栗里非真醉三閭豈善醒醉醒俱不易江上萬山青

其二

春伴桃花飲夏歌池水涼池上千竿竹清風吹我裳

其三

五月水過屋六月風蕩田愁風復愁水農苦是今年  
其四

脫巾臥藤牀明月在高樹疑是玉壺冰脩然不知暑  
其五

昔賢騎白鹿芙蓉洞裏來鹿跡雖已湮芙蓉花猶自開  
其六

竹露晴還濕荷衣落更香手把伏羲圖獨坐古松傍  
其七

江靜流雲轉亭虛夕霧多林深無人語嬌鳥自來歌  
其八

慣住瓊河上柴荆手自開晚霞隨鳥去明月逐人來

其九

呼童掃松葉汲澗澗煮巖茶此時傾一盞何必酌流霞

其十

屏跡隨元豹忘機近白鷗不學張平子閒居詠四愁  
偶成

登覽

雨過看花去花深却忘歸不知苔徑滑露下濕人衣  
訪丁戊山人不遇坐白屋口占  
白屋臥龍穩清風舞鳳長主人何處所獨坐海雲涼

武夷雜詠三首

幔亭峯



已借雲爲幄還將山作梯  
魯孫人老盡花落鳥空啼  
仙槎峰

乘桴駕滄海不省向山峩  
錦纜何年掛西風吹碧蘿

金鷄洞

半夜沉雲黑四望山河杳  
洞中咿喔聲紅日東方曉

七言絕句三十八首

大禮

早朝三首

衛士森嚴虎豹關天街殘月劍光寒  
奔趨喜動千官色鳥雀休疑向日看

其二

燈火長安曉漏殘威儀不數漢衣冠  
中興禮樂三王盛功業山河

萬代看

其三

甘雨初隨玉輦來陽光正位午雲開  
都城乍說人人喜章奏親聞一一裁

感述

感詠

金門玉陛齊鵷侶寶扇珠簾觀  
綵眉雲臥滄洲白首自甘耕釣

老清時

雜詩四首

盈盈十五秦樓女日日臨粧寶鏡眉  
嫁得襄陽輕薄婿高舟西去

動經時

其二

鴛鴦池上開歌扇翡翠盤中轉舞眉碧草盈階琴罷響誰知雙涕攬衣時

其三

綠水盈盈花似洗美人塘上照雙眉隔林忽唱采蓮曲鴻鵠群飛日暮時

其四

渭水桑攀秦女手春風柳拂魏宮眉青絲五馬彈箏去白雪千門夢月時

送別

別蔡半洲二首

半洲花木共芳菲綠樹青尊惜遠違明到武夷回首處天南一片白雲飛

其二

山人睡起花影深客子別我萬里行贈君湛盧酌君酒雲樹江頭無限情

送僧官覺昂還衡州

曉漏初辭 玉陛鐘海雲飛錫過江東清泉碧樹題詩處猶記相逢野寺中

題詠

題洞賓像



鐵笛一聲黃鶴樓白雲千頃洞庭秋金丹即是先天易龍虎何須  
身外求

胡人獵騎圖

疋馬沙塲雪滿山胡兒何處射鵰還漢家多少嫖姚將切莫彎弓  
近玉關

寄簡

寄湖西

栢雨亭前翠滿山題詩送寄白雲間武夷溪上西湖月應照仙人  
玉珮環

簡平嵩

河上野人常閉門三秋念汝久離群芙蓉花放偏宜月石鼓峯高

不礙雲

行役

宿濟亭

濟水西風浩蕩征蓼花湖岸晚烟晴南來客子情無限聞聽吹簫  
三兩聲

草萍驛書壁

青春作伴又南歸畫省蹉跎心事違一笑草萍山下路停車閒看  
白鷗飛

大安驛次包蒙泉五石沙韻

玉樹風前見西君清詩妙墨落秋雲燕山關海八千里白鶴青鸞  
自不羣

閒造

春暮課農瓊河獨酌至醉信筆十首命曰河上醉歌

河上仙人紫玉杯  
春花爛熳一齊開  
高歌獨酌醒還醉  
臥聽松風響似雷

其二

新年不到水雲居  
忽漫春泉碧滿渠  
花樹影聯沙徑鶴  
海霞光照石林書

其三

飲酒三鐘詩一章  
小童歌罷夜茫茫  
蟲聲四壁如人語  
風送柑花滿院香

其四

嬾性從來薜荔鄉  
為農山澗興偏長  
弋人休慕江邊雁  
碧海青天汝自忙

其五

彤樓金榜五雲天  
回首風塵二十年  
昨夢身隨鳳池步  
漁舟原在野鷗邊

其六

朱紱南宮鷓鴣聲  
群音書萬里遠相聞  
于今寄跡瓊河上  
却向燕山望白雲

其七

幾度雲岡堂上醉  
月斜鷄唱是歸時  
蘭亭更約設詩妙  
此夜懷人付玉卮



其八  
記得環溪舊草堂  
聽琴同醉菊花傍  
何時小棹沙邊至  
流水高山趣更長

其九  
世事如碁柳似烟  
翻雲覆雨底須憐  
每從小圃觀紅藥  
自向方池種白蓮

其十  
去冬燒蠟共寒宵  
春盡俄驚花片飄  
人事天時每如此  
不妨物外自逍遙

武夷棹歌和文公先生十首  
幔峯羽化列仙靈  
紫霧紅霞水面清  
十載忽醒塵海夢  
秋風鶴背

洞簫聲

其二

一曲飛橋架四船  
玉龍吹雨下前川  
溪松翠滴羊眠石  
洞水蒼浮虎嘯烟

其三

二曲凌霄翠黛峰  
雲裳玉貌鏡中容  
晚來風雨洗粧罷  
獨對天心月影重

其四

三曲空巖短短船  
仙人一去已多年  
丹爐石竈渾無用  
瑤草琪花亦可憐

其五

四曲鷄鳴大藏巖桃花紅雪舞  
毯毯石床仙蛻白雲冷把釣魚臺  
百尺潭

其六

五曲峯奇石洞深紫陽精舍萬松林  
伏羲臺古連天柱誰識先生  
最苦心

其七

六曲峯迴瀑布灣仙人掌在碧蘿關  
桃源咫尺烟霞隔流水鷄聲  
白日閒

其八

七曲鷓鴣立釣灘芙蓉秋入畫圖看  
丹崖影落舟航入鐵笛聲高  
雲水寒

其九

八曲壺岩紫翠開幽花細浪停舟酒  
高樓石鼓知無路何得天風  
落耳來

其十

九曲舟窮益渺然昔賢曾此泛平川  
留連洞竹三生石悵望風泉  
一字天





林榕江先生集卷第十

重刊國志文選書





四